



Broj: 17-11-45200-13/20
Sarajevo, 29-12-2020 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za ustupanje usluga u postupku javne nabavke za "Ustupanje usluga tekućeg održavanja vozila Kantona Sarajevo u 2021. godini." **LOT 2 – Škoda** (Zapisnik o pregledu i ocjeni ponuda broj: 17-11-45200-11/20 od 23.12.2020. godine), načelnik Stručne službe za zajedničke poslove Kantona Sarajevo, d o n o s i:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za ustupanje usluga u postupku javne nabavke za "Ustupanje usluga tekućeg održavanja vozila Kantona Sarajevo u 2021. godini" **LOT 2 – Škoda** i dodjeljuje se ponuđaču "**PORSCHE INTER AUTO BH**" d.o.o. Sarajevo, prema dostavljenoj ponudi broj: PIA-351/20-S.H. od 03.12.2020. godine u ukupnoj vrijednosti od **92,00 KM** bez PDV-a, odnosno **107,64 KM** sa PDV-om.

Član 2.

Prijedlog okvirnog sporazuma dostavit će se na potpis izabranom ponuđaču u skladu sa članom 72. stav (1) ZJN.

Član 3.

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-11-45200/20 od 13.11.2020. godine – "Ustupanje usluga tekućeg održavanja vozila Kantona Sarajevo u 2021. godini" **LOT 2 – Škoda**. Javna nabavka je provedena putem postupka: Otvoreni postupak. Procijenjena vrijednost javne nabavke za **LOT 2 – Škoda** bez PDV-a iznosi 30.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem: 1230-1-2-91-3-51/20 od 13.11.2020. godine i u "Sl.Glasniku BiH", broj 75 od 20.11.2020. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je na osnovu utvrđenog roka



za prijem ponuda do 03.12.2020. godine do 13,00 h konstatovala da su u uredno zatvorenim kovertama dostavljene ponude za LOT 2 – Škoda od ponuđača:

1.	"TRIAB" d.o.o. Sarajevo, ul. Alipašina bb, 71000 Sarajevo
2.	"PORSCHE INTER AUTO BH" d.o.o. Sarajevo, ul. Bulevar Meše Selimovića 16, 71000 Sarajevo

U skladu sa Odlukom o pokretanju postupka, Komisija za ustupanje usluga formirana Odlukom broj: 17-11-43096 od 02.11.2020. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku za dostavu ponuda. Zapisnik o pregledu i ocjeni ponuda broj: 17-11-45200-11/20 od 23.12.2020. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "PORSCHE INTER AUTO BH" d.o.o. Sarajevo ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponuda ponuđača "TRIAB" d.o.o. Sarajevo ne ispunjava uslove propisane od strane ugovornog organa.

Ponuđač "TRIAB" d.o.o. Sarajevo je dostavio ponudu koja nije u skladu sa zahtjevanim uslovima iz tenderske dokumentacije. Naime, u tenderskoj dokumentaciji (str. 8) tačkom 2) Način izrade ponude je zahtjevano: „*Pod čvrstim uvezom se podrazumijeva da ponude moraju biti uvezane/ ukoričene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom dobavljača, a u svrhu izbjegavanja manipulisanja stranicama ponude. Ukoliko ponuda ne bude čvrsto uvezana i numerisana na gore navedeni način ista će se smatrati neprihvatljivom i bit će odbačena iz daljnjeg postupka nabavke*“. Navedeni ponuđač je dostavio ponudu broj: 120/20 koja na posljednjoj stranici nije **pričvršćena naljepnicom ovjerenom pečatom dobavljača** čime je njegova ponuda neprihvatljiva i ne ispunjava zahtjeve iz tenderske dokumentacije. **U skladu sa navedenim, ponuda ponuđača "TRIAB" d.o.o. Sarajevo se odbacuje kao neprihvatljiva u skladu sa članom 68. stav (4) tačka i) Zakona o javnim nabavkama.**

Uzimajući u obzir da je Komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Ustupanje usluga tekućeg održavanja vozila Kantona Sarajevo u 2021. godini" LOT 2 – Škoda kako slijedi:

1. "PORSCHE INTER AUTO BH" d.o.o. Sarajevo	100 bodova
--	------------



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



U skladu sa kriterijem "ekonomski najpovoljnija ponuda" sa potkriterijima: cijena 70%, rok servisiranja 10%, način plaćanja 10% i popust na ugrađene rezervne dijelove 10%, **okvirni sporazum se dodjeljuje ponuđaču "PORSCHE INTER AUTO BH" d.o.o. Sarajevo** u ukupnoj vrijednosti nabavke od **92,00 KM (bez PDV-a)**, a cijena sa PDV-om iznosi **107,64 KM**, rok servisiranja **1 sat**, način plaćanja **40 dana** i sa popustom na ugrađene rezervne dijelove od **10%**.

Pouka o pravnom lijeku:

U skladu sa članom 101. Zakona, protiv ove Odluke može se izjaviti žalba ugovornom organu, najkasnije u roku od **10 (deset) dana** od dana prijema ove Odluke.



Pripremio: Almir Mešić, dipl.iur.
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-11- 45200-11/20 od 23.12.2020. godine



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1

